

पावलसे गलातीयाला विश्वासीगदेदा भ्रिबा चिठी

चु चिठीला बारेरी पाङ्तो:मा

भ्रिबा म्हि: येशूला मुल चेला पावलसे भ्रिबा मुबा (गलाती १:१)।

भ्रिबा ग्ला: एन्टिओखिया शहररी भ्रिबा मुबा।

भ्रिबा साल: ओस्पन ईश्वी संवत् ४८-५७ (विक्रम संवत् १०५-११४)
सालला गुडरी भ्रिबा मुबा।

खाल्दा भ्रिबा: गलातीया अञ्चलला ग्ला ग्लारी मुबा मण्डलीगदेदा
भ्रिबा मुबा (गलाती १:२)।

येशूला बारेरी थाबा पिन्बा समाचार थे:ना लबारी छ्याइमाहेन्से अर्गु
यहुलला म्हिगदेसे येशूदा विश्वास लजी। ओच्छे ख्रीष्टदा पक्का विश्वास
लबा म्हि दोबारी परमेश्वरसे मोशादा पिन्बा ठिम अन्छार भ्रतो:ला कि
भ्रआतो: भिबा तामगदे थोन्जी। पावलसे मोशादा पिन्बा ठिम अन्छार भ्रआतो:
भिसी पाङ्जी, तिगदा भिसम ख्रीष्टसे पिन्बा जुकजुकधोनाला जुनीला मुल
जग चा विश्वास हिन्ना। विश्वासग्यामसेन जम्मान म्हिगदे परमेश्वरदा सेम
निबा म्हि दोला। तर एशियारी परब तबा रोम यहुल्साला गलातीया अञ्चलरी
मुबा मण्डलीगदेरी कोइ कोइ म्हिगदे खबा मुबा। पावलसे लोप्बा ताम थाबान
थेनीगदेसे मोशादा पिन्बा ठिम अन्छार आभ्रनी भिसम खालैनोन परमेश्वरदा
सेम निबा म्हि दोबारी आखम भिसी पाङ्जी।

पावलसे लुसीला तामरी विश्वास लबा गलातीयाला म्हिगदेदा सत्य
विश्वासरी दो:सी भबाला लागिरी चु चिठी भ्रिबा मुबा। पावलसे हाड

ख्रीष्टला मुल चेला हिन्ना भिबा ताम उन्बाला लागिरी ओच्छे मुल चेलागदेला अधिकारला बारेरी ज्यना लसी घोना लबाला लागिरी चु चिठी भिबा हिन्ना। ओच्छे पावलसे ह्वाडदा म्हिसे मुल चेला स्होबा आहिन, तर परमेश्वरसेन मुल चेला स्होबा हिन्ना भिसी पाड्बा मुला। ओच्छे ह्वाडसे थेःना लबा थार्बा पिन्बा समाचार चा अर्गु य्हुलला म्हिगदेला लागिरी हिन्ना भिसी पाड्बा मुला। थेहड् लसीन विश्वासग्यामसे जे म्हि य्हुल परमेश्वरदा सेम निबा म्हि दोला भिसी पाड्बा मुला। पावलसे लिच्छापट्टिला अध्यायगदेरी चा य्हाडसे स्थान्दोगदेदा माया लजी भिसम विश्वास लबा अन्छारला बानीबेहोर म्हाड्ला, ओच्छे ख्रीष्टदा विश्वास लमाहेन्से स्थान्दोदा माया लबारी खम्ला भिसी पाड्बा मुला।

मुल तामगदे

- फ्याफुल्बादेन थार्बा पिन्बा समाचार गिक जे मुला १:१-१०
- पावलदा परमेश्वरसेन मुल चेला स्होबा १:११-२:२१
- परमेश्वरला दयामायाला समाचार ३:१-४:३१
- ख्रीष्टसे पापला तहग्याम फेबादेन ख्रीष्टदा विश्वास लबागदेला बानीबेहोर ५:१-६:१०
- चिठीला थुमरी भिबा ताम ६:११-१८

पावलसे गलातीयाला विश्वासीगदेदा भिबा चिठी

१ लास्सो डा पावल खालै म्हिगदेसे धम्सी ओच्छे खालैसे स्होसी मुल चेला दोबा आहिन। तर येशू ख्रीष्टदा सिबाग्याम सोना लबा परमेश्वर आबादेन येशू ख्रीष्टसे डादा मुल चेला स्होबा हिन्ना। २चुरी डादेन छ्याम मुबा जम्मान ज्योज्यो आलेगदेदेन डाग्याम गलातिया अञ्चलरी मुबा मण्डलीगदेदा फ्याफुल्ला!

३एनीगदेदा परमेश्वर आबादेन यहाडला प्रभु येशू ख्रीष्टग्याम दयामायादेन शान्ति तगै। ४यहाडदा चु जम्बुलिडला आज्यबा बानीबेहोरग्याम फेबारी परमेश्वर आबासे म्हन्बा अन्छार प्रभु येशू ख्रीष्ट यहाडला पापला लागिरी सिजी। ५थेतबासेलमा परमेश्वरदा सदन मानदेन जयजयकार तगै। आमेन।

थार्बा पिन्बा समाचार चु भन्दा अर्गु
आरे

६एनीगदे म्नाडसी डा उदेक तबा मुला, तिगदा भिसम ख्रीष्टला

दयामायाग्याम एनीगदेदा ड्योइबा परमेश्वरदा एनीगदेसे चुदे योनान म्ले:सी अर्गु समाचार ड्यानसी भ्रमुला। ७च्यागो, थार्बा पिन्बा समाचार चा चु भन्दा अर्गु आरे। तर कोइ कोइ म्हिसे चा एनीगदेदा अलमल तना लसी ख्रीष्टला समाचारदा न्होड्ना लबारी म्हाइबा मुला। ८ओच्छे डन्से एनीगदेदा थै:ना लबा थार्बा पिन्बा समाचारदा उल्टो स्होसी लोप्बागदे चा, डनी तसै स्वर्गदूतनोन तसै थै नाश तगै। ९एनीगदेसे विश्वास लबा थार्बा पिन्बा समाचारदा उल्टो स्होसी पाड्बा म्हि चा नाशनोन तला। दान्दे डाइ पाड्बा चु ताम एनीगदेदा डाइ डाच्छाएनोन पाड्बा मुला। १०तिग चुहड् लसी डाइ म्हिदा ताड्ना लबारी म्हाइबा हिन्ना? डाइ मी परमेश्वरदा ताड्ना लबारी म्हाइबा हिन्ना। तिग डादा म्हिगदेसे मान लगै भिसी डाइ म्हन्बा हिन्ना? चुदे डाइ चुहड् म्हन्बा हिन्सम, डा ख्रीष्टला गे लबा म्हिनोन आहिन।

परमेश्वरसे पावलदा धम्बा

११ ज्योज्यो आले नाना आडागदे,
डाइ एनीगदेदा थे:ना लबा थाबा
पिन्बा समाचार म्हिगदेसे स्होसी
पाङ्बा ताम आहिन भिबा एनीगदेसे
था याङ्गै भिसी डाइ म्हन्बा मुला।
१२ तिगदा भिसम डादा चु खालै म्हिसे
उन्बाएनोन आहिन, खालै म्हिसे
पिन्बाएनोन आहिन। तर येशू ख्रीष्ट
हाडसेन डादा चु उन्बा हिन्ना।

१३ डाच्छा यहूदी धर्म तेन्बा धुइरी
डाला बानीबेहोर खाहड्बा मुबा
भिसी एनीगदेदा थानोन मुला। थे
धुइरी डाइ परमेश्वरला मण्डलीदा
ल्हानान दुख पिन्सी थेदा नाश लबारी
म्हाइजी।* १४ थे धुइरी यहूदी धर्म
तेन्बा डा च्योच्योला म्हिगदे न्हडरी
जम्मान भन्दा सेबा घोबा डानोन मुबा।
डाइ आखे म्हेमेला रिमठिम ल्हानान
तेन्मुबा।* १५ तर डा न्हबा भन्दा
डाच्छान डादा दयामाया लसी धम्बा
परमेश्वरसेन, १६ डाइ अर्गु यहूलला
म्हिगदेदा थाबा पिन्बा समाचार थे:ना
लबारी खम्गै भिसी थेदा हाडलान
भा डादा डोसेना लबा ज्यबा छोर्जी।
थे धुइरी डाइ खालै म्हिदेन छ्याम
इयोइबा छार्बा लसी आभ्रनी।*
१७ ओच्छे डा यरूशलेम शहररी डा
भन्दा डाच्छाला मुल चेलागदेदा हुप

तबारीनोन आनिनी, बरु तुरुन्तन अरब
यहुल्सारी निजी। जमाहेन्से दमस्कस
भिबा ग्लारीन दो:सी खजी।

१८ ओच्छे डा सोम दिड लिच्छा
जे यरूशलेमरी पत्रुसदा हुप तबारी
निजी। थेरी डा थेदेन छ्याम साता
न्हीधोना चिजी।* १९ डाइ थेरी प्रभुला
आले याकूबदा बाहेक स्थान्दो खालै
मुल चेलागदेदा आस्याप्नी। २० डाइ
एनीगदेदा भिबा चु ताम सत्य हिन्ना,
डाइ लुसीला ताम पाङ्बा आरे भिबा
परमेश्वरदान था मुला। २१ जमाहेन्से
डा सिरियादेन किलिकिया भिबा
ग्लारी निजी। २२ थे धुइधोना ख्रीष्टदा
विश्वास लबा यहूदिया अञ्चलरी
मुबा म्हिगदेसे डादा डोआसेबा,
२३ “डाच्छा यहाडदा ल्हानान दुख
पिन्सी यहाडसे लबा विश्वासदा नाश
लबारी म्हाइबा म्हि हाडसेन दान्दे
थेनोन विश्वासला बारेरी पाङ्सी
भ्रमुला” भिबा ताम जे थेनीगदेसे थे:बा
मुबा। २४ डाइ थेहड्बा गे रूलासी
परमेश्वरदा विश्वास लबासे लमा
थेनीगदेसे परमेश्वरला जयजयकार
लजी।

पावलदेन मुल चेलागदे

२ च्युक ब्लि दिड लिच्छा दो:सी
डा बारनाबासदेन छ्याम
तीतसदा भोर्सी यरूशलेम शहररी

निजी।* २डादा परमेश्वरसे उन्बा अन्छार डा थेरी निजी। ओच्छे डाइ लबा गे खेरो थानिगै भिसी डाइ अर्गु यहुलला म्हिगदेदा थे:ना लबा थाबा पिन्बा समाचारनोन थेला सेबा घोबा मण्डलीदा च्याबा म्हिगदेदा कुनी गिकरी भोर्सी पाङ्जी। ३तर डादेन छ्याम निबा तीतसदा ग्रीक यहुलला म्हि तसैनोन खतना लतो:ला भिसी खालैसेन आपाङ्नी। ४तसैनोन लुसीला ताम लोप्बा गाते ज्योज्यो आलेगदे मण्डलीरी खसी खतना लतो:ला भिसी डनी ख्रीष्ट येशूदेन छ्याम गिक तबासे लमा ठिमला तहग्याम फेबा तामला चिवा लजी। ओच्छे डाच्छाला ठिमला तहरी थान्बारी म्हाइजी। ५तर थाबा पिन्बा समाचारला सत्य ताम एनीगदेसे थाम्ले:गै भिसी डन्से थेनीगदेला तामदा वास्तान आलनी।

६थेनीगदे सेबा घोबा मण्डलीदा च्याबा म्हिगदे तसैनोन डाइ पाङ्बा तामदा आहिन भिसी आपाङ्नी। ओच्छे थेनीगदे सेबा घोबान मुसेनोन डादेन थेनीगदे न्हडरी तिगै फरक आरे। तिग्दा भिसम परमेश्वरसे खालैला ली च्यासी गे आलमुला।* ७तर परमेश्वरसे यहूदीगदेला गुडरी पत्रुसदा थाबा पिन्बा समाचार थे:ना लबा गे जिम्मा पिन्बा हङ् लसी डादाएनोन परमेश्वरसे अर्गु यहुलला म्हिगदेला गुडरी थाबा पिन्बा समाचार

थे:ना लबा गे जिम्मा पिन्जी भिबा ताम थेनीगदेसे था याङ्जी। ८खाहङ् लसी परमेश्वरसे मुल चेला पत्रुसग्याम यहूदीगदेला गुडरी गे लजी थेहङ् लसीन डाग्यामसेनोन परमेश्वरसे अर्गु यहुलला म्हिगदेला गुडरी गे लजी। ९मण्डलीला मण्डलीदा च्याबा म्हिगदे याकूब, पत्रुसदेन यूहन्नासे डाथोरी परमेश्वरला दयामाया मुला भिसी था याङ्जी। थेतबासेलमा थेनीगदेसे बारनाबासदेन डादा मान लसी संगती लबारी जिम्मा पिन्जी। जमाहेन्से डनी चा अर्गु यहुलला म्हिगदेला गुडरी गे लबा थेनीगदे चा यहूदीगदेला गुडरी गे लबा तामरी पक्का लजी। १०खाँचोरी परब तबा प्राडबोगदेदा हो लतो:ला भिबा ताम चा थेनीगदेसेनोन लजी। चु गे चा डादाएनोन लबा सेम मुबा।

पावलसे पत्रुसला गलती उन्बा

११तर पत्रुस एन्टिओखिया भिबा ग्लारी धोखमाहेन्से डाइ थेदा जम्मालान डाच्छा बिरोध लजी। तिग्दा भिसम थेसे लबा गे गलती मुबा। १२थे याकूबसे पुइखबा म्हिगदे धोखबा भन्दा डाच्छा चा अर्गु यहुलला म्हिगदेदेन छ्यामनोन चिसी चबा थुङ्बा लमुबा। तर याकूबसे पुइखबा म्हिगदे धोखमाहेन्से अर्गु यहुलला म्हिगदेदेन छ्याम आचिनी।

तिगदा भिसम खतना लबा म्हिगदे
प्राङ्सी थे लोङ्मुबा। १३ जमाहेन्से
अर्गु यहूदीगदेसेनोन थेसे हङ्गनोन
लजी। थेनीगदेला चुहङ्बा बानीबेहोर
प्राङ्सी बारनाबासएनोन थेनीगदे
हङ्गबान दोबारी म्हाङ्जी। १४ तर
डाइ थेनीगदेदा थार्बा पिन्बा समाचार
अन्छार सत्यरी भ्रबा आम्राङ्नी।
थेतबासेलमा थेनीगदे जम्मालान
डाच्छा डाइ पत्रुसदा “ह्वाङ यहूदी
तसीनोन अर्गु यहूलला म्हिगदे हङ्ग
लसी भ्रमुला भिसम खाहङ्ग लसी
अर्गु यहूलला म्हिगदेदा चा यहूदी हङ्ग
लसी भ्रउ भिसी पाङ्खम्ला” भिसी
पाङ्जी।

१५ हिन्बाम य्हाङ्ग अर्गु यहूलला
पापी म्हिगदे हङ्गबा आतना न्हमान
यहूदी हिन्ना। १६ य्हाङ्ग यहूदीगदेएनोन
परमेश्वरदा सेम निबा म्हि दोबा
य्हाङ्गला ठिम अन्छार गे लसी
आहिन। तर येशू ख्रीष्टदा विश्वास
लबासे लमान परमेश्वरदा सेम निबा
म्हि दोबा हिन्ना भिबा ताम य्हाङ्गदा
था मुला। य्हाङ्गसेनोन परमेश्वरदा
सेम निबा म्हि दोबाला लागिरी येशू
ख्रीष्टदा विश्वास लजी। तिगदा भिसम
ठिम अन्छार गे लबासे लमा आहिन,
तर ख्रीष्टदा लबा विश्वासग्याम
परमेश्वरदा सेम निबा म्हि दोखम्लौ
भिसी हिन्ना। थेतबासेलमा ठिम
अन्छार गे लसी खालैनोन परमेश्वरदा

सेम निबा म्हि दोबारी आखम।*
१७ चुदे य्हाङ्ग ख्रीष्टदेन छ्याम गिक
तसी परमेश्वरदा सेम निबा म्हि
दोबारी म्हाङ्गमा खालैसे य्हाङ्गदाएनोन
पापीन पाङ्जी भिसम तिग ख्रीष्टसे
य्हाङ्गदा पाप लपुङ्गबा हिन्ना? पक्कान
आहिन। १८ तिगदा भिसम ह्वाङ्गसेन
फुङ्गबा स्हे दोःसी ह्वाङ्गसेन स्होजी
भिसम ह्वाङ्गसे ह्वाङ्गदान अपराधी
स्होबा हिन्ना। १९ थेतबासेलमा
परमेश्वरला लागिरी सोखम्लौ भिसी
परमेश्वरसे मोशादा पिन्बा ठिमग्याम
ठिमला लागिरी डा सिबा मुला।
२० डादा ख्रीष्टदेन छ्यामनोन कुसरी
साङ्गबा मुला। थेतबासेलमा दाहेन्से
सोबा डा आहिन, ख्रीष्ट डादेन छ्याम
तसी सोबा मुला। दान्दे सोबा चु
ल्हुङ्ग चा परमेश्वरला भादा विश्वास
लसी सोबा हिन्ना। थेसे डादा माया
लसी ह्वाङ्गला ज्याननोन डाला
लागिरी पिन्जी। २१ डाइ परमेश्वरला
दयामायादा हेला लबारी आखम।
तिगदा भिसम परमेश्वरसे मोशादा
पिन्बा ठिमग्याम म्हि परमेश्वरदा सेम
निबा दोबारी खम्बा हिन्सम ख्रीष्ट
सिबा चा तिगै गे आतनी।

विश्वासग्याम याङ्गबा मोलम

३ गलातियारी मुबा मूर्ख म्हिगदे,
एनीगदेदा खाल्से मोहनी लजी?
येशू ख्रीष्ट कुसरी सिजी भिबा ताम

एनीगदेलान ओन्छाडरी घोना लसी पाङ्ना पाङ्गान खाहङ्बा आघोबा? ^२थेहङ् लसी एनीगदेसे याङ्बा परमेश्वरला आत्मा परमेश्वरसे मोशादा पिन्बा ठिम अन्छार गे लसी याङ्बा कि थार्बा पिन्बा समाचार थे:सी विश्वास लबासे लमा याङ्बा हिन्ना? डादा पाङ्गो। ^३एनीगदे खाहङ्बा मूर्ख, परमेश्वरला आत्मा-ग्याम शुरु तसी दान्दे गेग्याम पूरा तबारी म्हाइबा? ^४तिग एनीगदेसे नाबा दुख खेरो निबा हिन्ना? पक्कान आहिन। ^५थेतबासेलमा परमेश्वरसे एनीगदेदा हाडला आत्मा पिन्बा मुला, ओच्छे एनीगदेला गुडरी उदेकला गेगदे लबा मुला। तिग चु जम्मान परमेश्वरसे मोशादा पिन्बा ठिम अन्छार एनीगदेसे गे लबासे लमा तबा हिन्ना, कि थार्बा पिन्बा समाचार थे:सी विश्वास लबासे लमा तबा हिन्ना?

^६अब्राहामला विश्वासदा च्यागो, “थेसे परमेश्वरदा विश्वास लबा मुबा। ओच्छे परमेश्वरसे थेदा सेम निबा म्हि हिन्ना भिसी सुङ्जी।” ^{*}^७थेतबासेलमा जुन जुन म्हिसे परमेश्वरदा विश्वास लला, थेनीगदेन अब्राहामला सन्तान हिन्ना भिसी एनीगदेसे घोउ। ^{*}^८डाच्छान परमेश्वरला बचनरी अर्गु यहुलला म्हिगदेएनोन विश्वासग्यामसेन परमेश्वरदा सेम निबा म्हि दोला भिसी

भ्रिबा मुबा। थेतबासेलमा दडबोरीन परमेश्वरसे अब्राहामदा “एग्यामसे जम्मान यहुलला म्हिगदेसे मोलम याङ्ला” भिसी ज्यबा समाचार थे:ना लबा मुबा। ^{*}^९थेतबासेलमा ख्रीष्टदा विश्वास लबागदेसे विश्वास लबा अब्राहामसे हङ् लसीन मोलम याङ्बा मुला।

^{१०}तर परमेश्वरसे मोशादा पिन्बा ठिमथोरी जे भर लसी चिबागदेसे सजाय याङ्ला। तिगदा भिसम परमेश्वरला बचनरी “परमेश्वरसे मोशादा पिन्बा ठिमरी मुबा जम्मान ताम आङ्ग्यान्बा म्हिगदेसे सजाय याङ्ला” भिसी भ्रिबा मुला। ^{*}^{११}थेतबासेलमा परमेश्वरसे मोशादा पिन्बा ठिमथोरी जे भर लबा म्हि चा खालैनोन परमेश्वरदा सेम निबा म्हि दोबारी आखम भिबा ताम प्रस्टन मुला। तिगदा भिसम “विश्वासग्यामसे जे परमेश्वरदा सेम निबा म्हि दोसी सोखम्ला” भिसी बचनरी भ्रिबा मुला। ^{*}^{१२}तर विश्वासग्याम लबा गे परमेश्वरसे मोशादा पिन्बा ठिमसे लबारी आखम। बरु परमेश्वरला बचनरी चुहङ् भिसी भ्रिबा मुला, “जुन म्हिसे थे ठिम अन्छार गे लला, थे, थे ठिम अन्छारनोन भ्रला।” ^{*}^{१३}परमेश्वरसे मोशादा पिन्बा ठिम अन्छार यहाडसे याङ्तो:बा सजाय

ख्रीष्टसेन नाजी, ओच्छे सय फासी
 य्हाडदा थे सजायग्याम फेजी।
 तिग्दा भिसम “परमेश्वरग्याम
 सजाय याङ्बादा जे कुसरी च्योसी
 साइला” भिसी परमेश्वरला बचनरी
 भिबा मुला। * १४ थेतबासेलमा
 अब्राहामसे याङ्बा परमेश्वरला
 मोलम अर्गु य्हुलला म्हिगदेसेनोन
 याङ्गै भिसी ख्रीष्ट येशूसे पापला
 सय फासी य्हाडदा पापग्याम फेजी।
 ओच्छे परमेश्वरसे ह्हाडला आत्मा
 पिन्ना भिसी लबा कबुल य्हाडसे
 विश्वासग्याम याङ्गला।

परमेश्वरसे लबा कबुल

१५ च्यागो ज्योज्यो आले नाना
 आडागदे, डाइ एनीगदेदा म्हि न्हीला
 गुडरी लबा कबुलला बारेरी पाङ्गला,
 थेन्नीसे कबुल लसी कागजरी सही
 छाप लमाहेन्से थेरी भिबा ताम लिच्छा
 घटबट लबारी आखम, आहिन
 भिबारी आखम। १६ परमेश्वरसे
 अब्राहामदा सन्तान पिन्ना भिसी
 कबुल लबा मुबा। थेदा ल्हानान
 सन्तान पिन्ना भिसी आहिन, तर गिक
 जे पिन्ना भिसी कबुल लबा मुबा।
 थे सन्तान गिक भिबा चा ख्रीष्टनोन
 हिन्ना। * १७ डाइ पाङ्गला ताम चा
 चुनोन हिन्ना, परमेश्वरसे डाच्छान
 लबा कबुलदा ग्यार्जा ब्लिसे बोगल
 गिकसे च्युइ दिङ लिच्छा मोशादा

पिन्बा ठिमसे थाबारी आखम,
 थेह्हुङ लसी थाबारी खम्बा हिन्सम
 परमेश्वरसे लबा कबुल भ्याङ्गसेला
 मुबा। * १८ चुदे मोशादा पिन्बा ठिम
 तेन्सी य्हाडसे परमेश्वरला सन्तान
 दोबा हक याङ्गला हिन्सम, थे हक
 परमेश्वरसे लबा कबुलग्याम याङ्गला
 आतसेला मुबा। तर परमेश्वरसे लबा
 कबुल अन्छार थे हक अब्राहामदा
 पिन्सी जिन्बा मुबा। * १९ थेह्हुङ
 भिसम दाहेन्से परमेश्वरसे मोशादा
 पिन्बा ठिम तिग्दा तोःजी? तिग्दा
 भिसम म्हिगदेसे लबा पाप गेगदे
 उन्बाला लागिरी ओच्छे परमेश्वरसे
 अब्राहामदा सन्तान पिन्ना भिसी
 लबा कबुल पूरा आततेधोनाला
 लागिरी जे हिन्ना। चु ठिम म्हिगदेदा
 परमेश्वरदेन छ्याम ढिकना लबाला
 लागिरी स्वर्गदूतगदेग्याम म्हि गिकसे
 स्होबा हिन्ना। २० परमेश्वर गिक जे
 मुबासे लमा गिकला लागिरी अर्गु
 ढिकना लबा म्हि खालै आतोः।

परमेश्वरसे मोशादा पिन्बा ठिमला गे

२१ थेह्हुङ भिसम परमेश्वरला ठिम
 तिग परमेश्वरसे लबा कबुलला
 बिरोधरी मुला? आरे। चुदे म्हिगदेसे
 थाबा याङ्गै भिसी थे ठिम पिन्बा
 हिन्सम ठिमग्यामसेन म्हिगदे
 परमेश्वरदा सेम निबा म्हि दोसेला

मुबा। २२तर परमेश्वरला बचनसे चुहङ् भिसी पाङ्बा मुला, जम्बुलिङला जम्मान म्हि पापला तहरी मुला। थेतबासेलमा जुन म्हिसे येशू ख्रीष्टदा विश्वास लला, थेसे परमेश्वरसे पिन्ना भिसी लबा कबुल विश्वासग्यामसेन याङ्ला।

२३तर ख्रीष्टदा विश्वास लबा धुइ खबा भन्दा डाच्छा य्हाङ मोशादा पिन्बा ठिमला तहरी मुबा, ओच्छे विश्वास आलतेधोना य्हाङदा थे ठिमसेन खीसी थान्बा मुबा। २४विश्वासग्यामसेन परमेश्वरदा सेम निबा म्हि दोगै भिसी मोशादा पिन्बा ठिमसे य्हाङदा लोप्बान ख्रीष्ट मुबा ग्लाधोना निबा ग्याम उन्बा जिम्मा पिन्बा मुबा। २५तर विश्वास खसी जिन्बासे लमा दाहेन्से य्हाङ मोशादा पिन्बा ठिमला तहरी चिआतोः।

२६तिगदा भिसम ख्रीष्ट येशूदा लबा विश्वासग्यामसेन एनीगदे जम्मान परमेश्वरला सन्तान दोबा हिन्ना। २७थेहङ् लसीन एनीगदे न्हङला जुन म्हि ख्रीष्टदेन छ्याम गिक तसी बप्तिस्मा किन्बा मुला, थेनीगदे जम्मान ख्रीष्ट हङ्बान दोबा मुला। २८थेतबासेलमा यहूदी तसै, ग्रीक तसै, नोकर तसै, नोकर आहिन्सै, हेम्फेबे तसै, भ्रिडम्हेमे तसै ख्रीष्ट येशूदेन छ्याम एनीगदे जम्मान गिकनोन हिन्ना। २९एनीगदे ख्रीष्टला

हिन्सम अब्राहामला सन्तान हिन्ना, ओच्छे परमेश्वरसे पिन्ना भिसी कबुल लबा सम्पत्तिला हकएनोन याङ्बा मुला।*

✕ डाइ पाङ्बा चा चुनोन हिन्ना, खालै म्हिसे ह्वाङला आबा आमाला जम्मान धन सम्पत्ति याङ्बा हक मुसैनोन जजा मुतेधोना थे नोकर हङ्बान हिन्ना। २ओच्छे थे घ्रेन आततेधोना आबासे च्याबारी जिम्मा पिन्बा म्हिला तहरी चिसी पाङ्बा ताम इयान्तोःमुला। ३ख्रीष्ट फेप्खबा भन्दा डाच्छा य्हाङ जम्मान थेहङ्बान मुबा। ओच्छे जम्मान म्हिगदे कोलागदे हङ्बान मुबा। थे धुइरी जम्मान म्हिगदे जम्बुलिङरी मुबा आत्माला शक्तिगदेला तहरी मुबा। ४तर धुइ ठीक तमाहेन्से परमेश्वरसे ह्वाङलान भादा पुइखजी। थे भ्रिडम्हेमेला कोखग्याम न्हसी यहूदी ठिमला तहरी धन्छ्याजी। ५य्हाङदा ठिमला तहग्याम सय फासी फेबाला लागिरी ओच्छे ह्वाङलान कोलागदे स्होबाला लागिरी परमेश्वरसे थेदा पुइखबा हिन्ना। ६दाहेन्से य्हाङ परमेश्वरला सन्तान दोबा मुला। थेतबासेलमा परमेश्वरसे ह्वाङलान भाला आत्मा य्हाङला सेमरी पुइखबा मुला। थेनोन आत्मासे य्हाङदा सेमहेन्सेन “परमेश्वर आबा” भिसी पाङ्पुङ्मुला। ७थेतबासेलमा

परमेश्वरसे एनीगदेदा नोकर आहिन, तर हाडलान कोलागदे स्होबा मुला। ओच्छे एनीगदेसे याड्तोःबा हकएनोन याड्बा मुला।

पावलसे गालीलला म्हिगदेदा वास्ता लबा

८ परमेश्वरदा डोसेबा भन्दा डाच्छा एनीगदेसे मुनोन आरेबा ल लुदा तेन्मुबा। ओच्छे थेलान तहरी चिमुबा। ९ तर एनीगदेसे परमेश्वरदा डोसेबा भन्दाएनोन परमेश्वरसे एनीगदेदा डोसेबा मुला। थेहड् भिसम दोःसी एनीगदे तिग्दा जम्बुलिडरी मुबा थेहड्बा गे आखेल्ला कमजोर आत्माळा नोकर दोसी भ्रबा? १० एनीगदेसे चा यहूदीगदेसे धड्बा धिन, ला, धुइदेन दिडदा तेन्सी परमेश्वरदा ताड्ना लबारी म्हाइबा मुला। ११ थेतबासेलमा डाइ एनीगदेला लागिरी लबा गे खेरोरीन निजीम भिसी डादा सुर्दा तबा मुला।

१२ ज्योज्यो आले नाना आडागदे, एनीगदेएनोन डा हड्बान दोगो भिबा डाला बिन्ती मुला। तिग्दा भिसम डाएनोन एनीगदे हड्बान मुबा। एनीगदेसे डादा तिगै आज्यबा लबा आरे। १३ जम्मान भन्दा डाच्छा डाइ एनीगदेदा थार्बा पिन्बा समाचार थेःना लबा धुइरी डा आखम्बा मुबा भिबा एनीगदेदा थानोन मुला। १४ थे धुइरी डा आखम्बासे लमा एनीगदेदा ल्हानान गाहो तबा मुबा। तसैनोन

एनीगदेसे डादा हेला आलनी। बरु परमेश्वरला दूतदेन ख्रीष्ट येशूदा हड् लसी एनीगदेसे डादा मान लजी। १५ थे धुइरी एनीगदे गाते ताड्बा मुबा, तबा हिन्सम एनीगदेसे हाडला मीनोन तेःसी पिन्तोःसै डादा पिन्बारी तयार मुबा भिबा ताम डादा था मुला। तर दान्दे चा एनीगदेदा तिग तजी? १६ तिग दान्दे डाइ सत्य ताम पाड्मा चा डा एनीगदेला शत्रु दोबा हिन्ना?

१७ स्थान्दो म्हिगदेसेनोन एनीगदेदा वास्ता लमुला। तर ज्यबा सेमसे वास्ता लबा आहिन। थेनीगदेसे एनीगदेदा डाइ लोप्बा ताम रूलासी हाडला लिच्छा भ्रबा म्हि स्होबारी म्हाइबा हिन्ना। १८ डा एनीगदेदेन छ्याम मुबा धुइरी जे भन्सी गे लबा आहिन, तर डा आरेसै सदन गे लसी चिबा चा ज्यबा ताम हिन्ना। १९ डाला कोलागदे, एनीगदे ख्रीष्ट हड्बान आदोतेधोना डादा कोला न्हबारी छ्याइबा म्रिडम्हेमेदा तबा हड्बान दुख तबा मुला। २० दान्दे डा एनीगदेदेन छ्यामनोन चिसी चु भन्दा अर्गुन ताम लम्पाड्बा हिन्सम गाते ज्यबा तसेला मुबा। तर पाड्मोन तोःमा डाइ एनीगदेला लागिरी तिग लतोःबा थे डादा था आरे।

हागारदेन सारा

२१ परमेश्वरसे मोशादा पिन्बा ठिमला तहरी चिबारी म्हाइबागदेसे

डादा पाङ्गो, ठिमसे तिग भिमुला
थे ताम एनीगदेदा था आरे? ^{२२}तिग्दा
भिसम चुहङ् भिसी भिबा मुला,
अब्राहामला भा न्ही मुबा, गिक
चा नोकरस्याग्याम न्हबा ओच्छे
गिक चा हाडलान भ्रिङ्ग्याम न्हबा
मुबा। थेला हाडलान भ्रिङ् चा नोकर
आहिन्मुबा। * ^{२३}नोकरस्याग्याम न्हबा
भा चा सेमसे म्हन्बा अन्छार न्हबा
मुबा। तर नोकर आहिन्बा हाडलान
भ्रिङ्ग्याम न्हबा भा चा परमेश्वरसे
पिन्ना भिसी लबा कबुल अन्छार
न्हबा मुबा। ^{२४}चु भ्रिङ्म्हेमे न्हीनोन
परमेश्वरसे लबा कबुलगदे हङ्बा
हिन्ना। चु कबुलगदे तिग हिन्ना
भिबा ताम चु भ्रिङ्म्हेमे न्हीग्यामसेन
म्राङ्बा मुला। भ्रिङ्म्हेमे गिक चा
हागार हिन्ना। थे चा परमेश्वरसे
सीनै भिबा गडरी मोशादा पिन्बा ठिम
हङ्बान हिन्ना। थे ठिमला नोकरगदे
चा थेलान कोलागदे हिन्ना।

^{२५}अरब यहुल्साला सीनै भिबा
गड चा हागार भिबा नोकरस्या
हङ्बान हिन्ना। ओच्छे परमेश्वरसे
मोशादा पिन्बा ठिमदा तेन्बा दान्देला
यरूशलेमदेन ठिमला लिच्छा भ्रबा
जम्मान म्हिगदे थे नोकरस्याला सन्तान
हङ्बान हिन्ना। ^{२६}तर स्थान्दो
भ्रिङ्म्हेमे सारा चा स्वर्गला यरूशलेम
हङ्बान हिन्ना। थे खालैला नोकर
आहिन, थे चा यहाडला आमा हिन्ना।

^{२७}तिग्दा भिसम बचनरी चुहङ् भिसी
भ्रिबा मुला,

“कोलागदे आतबा भ्रिङ्म्हेमे,
ए ताङ्गो।

ओच्छे कोला न्हबा बेथानोन था
आयाङ्बा भ्रिङ्म्हेमे,
ए सेमहेन्सेन ताङ्सी क्रिङ्गो।

तिग्दा भिसम कोला तबा
भ्रिङ्म्हेमेला भन्दा कोला
आतबा

भ्रिङ्म्हेमेला कोलागदे ल्हानान
तला।”*

^{२८}ज्योज्यो आले नाना आडागदे,
यहाडएनोन अब्राहामदेन साराला
भा इसहाक हङ्बान परमेश्वरसे
लबा कबुल अन्छार न्हबा सन्तान
हिन्ना। ^{२९}तर थे धुइरी सेमसे म्हन्बा
अन्छार न्हबा भासे परमेश्वरला
आत्मासे म्हन्बा अन्छार न्हबा भादा
दुख पिन्मुबा, दान्देनोन थेहङ्बान
मुला। * ^{३०}तर बचनरी तिग भिसी

भ्रिबा मुला? “थे नोकरस्यादेन
थेला भादा दिमग्याम ते:गो। तिग्दा
भिसम नोकर आहिन्बा हाडलान
भ्रिङ्ग्याम न्हबा भासे याङ्बा हक
नोकरस्याला भासे आयाङ्” भिसी
भ्रिबा आरे? * ^{३१}थेतबासेलमा
ज्योज्यो आले नाना आडागदे, यहाड
नोकरस्याला सन्तान आहिन, तर
नोकर आहिन्बा भ्रिङ्म्हेमेला सन्तान
हिन्ना।

ख्रीष्टसे ठिमला तहग्याम फेबा

५ यहाडदा ठिमला तहग्याम ख्रीष्टसे फेबा हिन्ना। थेतबासेलमा भड्बा तसी चिउ, ओच्छे दोःसी थे ठिमला नोकर दोबारी थाम्हाइगो।

२ च्यागो, डा पावलसेन एनीगदेदा चु ताम पाड्बा मुला, एनीगदे खतना लबा ठिम तेन्बा हिन्सम एनीगदेला लागिरी ख्रीष्टला तिगै गे आरे। ३ डाइ दोःसी एनीगदेदा पाड्बा, खतना लतोःला भिसी पाड्बा म्हिगदे जम्मासेन परमेश्वरसे मोशादा पिन्बा ठिम पूरान तेन्तोःला। ४ मोशादा पिन्बा ठिम तेन्सी परमेश्वरदा सेम निबा म्हि दोबारी म्हाइबा एनीगदे ख्रीष्टग्याम थारेड तबा मुला। ओच्छे परमेश्वरला दयामायाग्याम एनोन थारेड तबा मुला। ५ तर डन्से लबा आश चा विश्वासग्याम सदन परमेश्वरदा सेम निबा म्हि दोबा हिन्ना। थे आश चा परमेश्वरला आत्माग्यामसेन याड्ला भिसी यहाडसे भ्रान्सी चिबा मुला। ६ तिगदा भिसम ख्रीष्ट येशूदा विश्वास लमाहेन्से खतना लसै आलसै तिगै आहिन। तर गिकसेम गिकदा माया लसी विश्वासला गे लबा चा मुल ताम हिन्ना।

७ हिन्बाम एनीगदे ज्यबा ग्यामरी भ्रबान मुबा। तर दान्दे चा खाल्से

एनीगदेदा सत्य ग्याम रुलासी भ्रबारी कर लजी। ८ चुहड् लपुड्बा चा एनीगदेदा ड्योइबा परमेश्वरसे आहिन। ९ चु लुसीला ताम चा जजाकी खमीर हड्बान हिन्ना। जजाकी खमीर युसै ज्योण्बा जम्मान ब्रादा भोना लला। * १० एनीगदेसे डाला ताम बाहेक स्थान्दो म्हिला ताम आड्यान भिसी डाइ प्रभुरी विश्वास लबा मुला। एनीगदेदा अलमल लसी आतोःबा ग्यामरी भ्रपुड्बा जुन म्हि मुसै थेसे परमेश्वरग्याम खबा सजाय नातोःला। ११ ज्योज्यो आले नाना आडागदे, डाइ अभ्र खतना लनोन तोःला भिसी पाड्सी भ्रसम तिगदा चुहड् लसी दुख नातोःसेला। खतना लबा ताम सत्य हिन्सम ख्रीष्ट येशू कुसरी सिबा ताम पाड्मा खालैसेन बिरोध आलसे मुबा। १२ एनीगदेदा सत्य ग्याम रुलापुड्बागदेसे मी तिगदा खतना जे लसे, बरु थेनीगदेसे मी ल्हुइला स्हेनोन थासै तसेला।

१३ ज्योज्यो आले नाना आडागदे, ठिमला तहग्याम थार्बाला लागिरीन एनीगदेदा ड्योइबा हिन्ना। थेतबासेलमा थार्बा याड्सीनोन पापी बानीबेहोर अन्धार गे थालउ। तर माया लसी गिकसेम गिकदा हो लउ। १४ तिगदा भिसम परमेश्वरसे मोशादा पिन्बा जम्मान ठिम “एसे हाडला खिम्जेमदा हाडदा हड्नोन माया लउ”

भिसी सुङ्बा बचन गिकरीन पूरा तबा मुला।*

१५ तर एनीगदे हाड हाड न्हडरी जन्तुगदे हङ् लसी छेबा बङ्बादेन खाप्बा लबा मुला भिसम होशियार तसी चिउ। आहिन्सम एनीगदे हाड हाङ्ग्यामनोन नाश तसी निला।

परमेश्वरला आत्माग्याम याङ्बा जुनी

१६ थेतबासेलमा एनीगदेसे डाला ताम ड्यान्गो, एनीगदे परमेश्वरला आत्मासे कुल्बा अन्छार भ्रउ। तर पापी बानीबेहोरग्याम जे लइ म्हन्बा थेनोन लसी थाभ्रउ। १७ तिगदा भिसम पापी बानीबेहोरदा परमेश्वरला आत्मासे ओच्छे परमेश्वरला आत्मादा पापी बानीबेहोरसे बिरोध लला। एनीगदेसे जुन गे लबारी म्हाइला थे गे लआपुङ्बाला लागिरी थेन्नी न्हडरी गिकसेम गिकला बिरोध लला। १८ तर चुदे एनीगदे परमेश्वरला आत्मासे कुल्बा अन्छार भ्रजी भिसम दाहेन्से एनीगदे ठिमला तहरी आरे।

१९ पापी बानीबेहोरग्याम लबा गेगदे चुनोन हिन्ना: ब्रेल्सी भ्रबा, नइबा ताम म्हन्बा, सेमरी जे लइ म्हन्बा थेनोन लबा, २० मूर्तिगदेदा पूजा लबा, तन्त्रमन्त्र लबा, शत्रु स्होबा, छेबा बङ्बा लबा, डाह लबा, बोमो लबा, हाङ्गला जे ग्याम च्याबा, फेना

लबा, हाड हाङ्गला समूह स्होसी भ्रबा, २१ डाह लबा, ड्य्होइसी भ्रबा, मोजमजा लबादेन चुहङ्बान अर्गु पाप गेगदे लबा। डाइ चुहङ्बा गे लबा म्हिगदेदा परमेश्वरला यहुल्सारी वाङ्आम्याङ् भिसी डाच्छाएनोन पाङ्बा मुबा, दान्देनोन पाङ्बान मुला।

२२ तर परमेश्वरला आत्मासे य्हाङ्गदा माया लबारी, ताङ्ना लबारी, ठिक्सी चिबारी, नाबारी, दया लबारी, स्थान्दोदा ज्यबा लबारी, विश्वासला गे लबारी, २३ सोजो दोबारी, हाङ्गसे हाङ्गदान तहरी थान्बारी हो लला। चु तामगदेदा बिरोध लबा खजिबै ठिम आरे। २४ तर जुन म्हिगदे स्त्रीष्ट येशूला हिन्ना, थेनीगदेसे चा पापी बानीबेहोरग्याम थोन्बा जम्मान पापी सेमगदे कुसरी टाँगब लसी जिन्बा मुला। २५ य्हाङ्ग परमेश्वरला आत्माग्याम सोबासे लमा परमेश्वरला आत्मासे कुल्बा अन्छारनोन भ्रइ। २६ य्हाङ्ग घमण्ड लसी गिकसे गिकदा बोमो खना लबादेन ईख थान्बा म्हि दोबारी आत।

गिकसेम गिकदा हो लउ

६ ज्योज्यो आले नाना आडागदे, चुदे खालै म्हिसे आज्यबा गे लबा स्याप्जी भिसम एनीगदे परमेश्वरला आत्माग्याम पाको दोबागदेसे थेदा

ज्यना लसी घोना लउ। तर एनीगदे हाडएनोन फसब आतबारी होशियार तसी चिउ। ^२दुखरी गिकसेम गिकदा हो लउ। चुहङ लसी एनीगदेसे ख्रीष्टसे लोप्बा ठिम पूरा लला। ^३तिगदा भिसम तिगै गे आखेल्बा म्हिसे डा हङ्बा खालै आरे भिसी म्हन्जी भिसम थेसे हाडसे हाडदान धोका पिन्बा हिन्ना। ^४जम्मासेन हाड हाडसे लबा गे ठीक मुला कि आरे थे हाड हाडसेन च्यागो। हाडसे लबा गे ठीक मुसम ताङ्गो। तर स्थान्दोसे भन्दा डाइ ज्यबा गे लजी भिसी घमण्ड थालउ। ^५तिगदा भिसम जम्मासेन हाडला गे हाड हाडसेन लतोःला।

^६हाडदा परमेश्वरला बचन लोप्सी पिन्बा म्हिगदेदा हाडदेन छ्याम मुबा ज्यबा स्हेगदे पिन्गो।

^७थेतबासेलमा खालैसे हाडसे हाडदान धोका थापिन्गो। परमेश्वरदा खालैसेन ठट्टा लबारी आत। तिगदा भिसम म्हिसे जे सूला थेनोन रोला। ^८जुन म्हि हाडला पापी बानीबेहोर अन्छार भ्रला, थे थेनोन पापी बानीबेहोरसे लमा नाश तला। तर जुन म्हि परमेश्वरला आत्मासे कुल्बा अन्छार भ्रला, थेसे परमेश्वरला आत्माग्यामसेन जुकजुकधोनाला जुनी याङ्ला। ^९दाहेन्से यहाड ज्यबा गे लबारी भ्लप्बारी आत। तिगदा भिसम आभ्लप्ना ज्यबा गे लजी भिसम यहाडसे ठीक धुइरी बाली दुइम्याङ्ला। ^{१०}थेतबासेलमा मौका

याङ्बा धुइरी चा यहाडसे जम्मान म्हिदा ज्यबा लतोःला। अझ ख्रीष्टदा विश्वास लबागदेला म्हेमेदा चा यहाडसे ज्यबा लनोन तोःला।

छार जुनी

^{११}च्यागो, चु ताम एनीगदेसे था याङ्गै भिसी डाइ हाडलान यासे घ्रेन घ्रेन हिगीरी भिबा मुला।

^{१२}च्यागो, डा चा ज्यबा म्हि हिन्ना भिसी म्हिगदेदा उन्बारी म्हाइबागदेसे जे एनीगदेदा खतना लनोन तोःला भिसी कर लमुला। ख्रीष्टला क्रुससे जे थार्ना लला भिबा तामरी विश्वास लबासे लमा स्थान्दो म्हिगदेग्याम दुख नाआतोःगै भिसी थेनीगदे जोगब तबाला लागिरी जे चु ताम पाङ्बा हिन्ना। ^{१३}जुन म्हिगदेसे एनीगदेदा खतना लतोःला भिसी पाङ्मुला थेनीगदे हाडसेनोन ठिमरी पाङ्बा अन्छार गे आलमुला। तर घमण्ड लबारी जे एनीगदेसे खतना लगै भिसी थेनीगदेसे म्हन्मुला। ^{१४}तर डा चा अर्गु तामरी घमण्ड आल, प्रभु येशू ख्रीष्ट क्रुसरी सिबा तामरी जे घमण्ड लला। तिगदा भिसम प्रभु येशू ख्रीष्ट क्रुसरी सिबासे लमा डाला लागिरी जम्बुलिङ्ग्याम खबा जम्मान तामगदे सिसी जिन्बा मुला, ओच्छे डाएनोन जम्बुलिङ्गला लागिरी सिसी जिन्बा मुला। ^{१५}खतना लसै आलसै तिगै आहिन, तर परमेश्वरसे छार म्हि स्होबा चा मुल ताम हिन्ना। ^{१६}चु ठिम

अन्छार भ्रबागदे जम्मान परमेश्वरला
 म्हिगदेदा दयादेन शान्ति तला।
 दाहेन्से थेनीगदे जम्मान परमेश्वरला
 म्हिगदे हिन्ना। १७ दाहेन्से चु तामला
 लागिरी डाइ खालैग्यामसेन दुख
 नाआतो:गै। तिग्दा भिसम डा येशूला

गे लबा म्हि हिन्ना भिसी उन्बाला
 लागिरी डाला ल्हुइ नाड डामनोन
 डाम मुला। १८ ज्योज्यो आले नाना
 आडागदे, एनीगदेला आत्मादेन
 छ्याम यहाडला प्रभु येशू ख्रीष्टला
 दयामाया तगै। आमेन।